



Tillögur stjórnar Lífeyrissjóðs verzlunarmanna til breytinga á samþykktum sjóðsins
Lagt fram á ársfundi 23. mars 2026

Efnisyfirlit:

1	Inngangur	2
2	Breytingatillögur	2
2.1	Gr. 11.18 – Fella á brott grein sem varðar undanþágu vegna útreiknings á iðgjaldagreiðslutíma.....	2
2.2	Gr. 13.5 a.1 Fjárhæðir framreiknings uppfærðar.....	3
2.3	Gr. 13.6 - Þriggja ára meðaltal framreiknings, heimild til lengra tímabils.....	3
2.4	Gr. 13.7 Fjárhæðir í grein uppfærðar.....	3
2.5	Gr. 14.2 Lágmarksgreiðslutímabil	4
2.6	Gr. 14.5 – Réttindi maka sem fæddur er fyrir 1945, áréttning á orðalagi	4
2.7	Gr. 14.8 – Niðurfelling makalífeyris við hjúskap eða staðfesta samvist	4
2.8	Gr. 16.4 – Formskilyrði varðandi umsókn um örorku- og makalífeyri.....	6
2.9	Gr. 16.7 Eingreiðslufjárhæð ellilífeyris.....	6
2.10	Gr. 20.4.2 – Útgreiðsla séreignar	7
2.11	Gr. 20.4.1,20.4.2 og 19.3.2	7
2.12	Viðauki A – Réttindatöflur, hluti af samþykktum	8
2.13	Gildistaka.....	12



1 Inngangur

Eftirfarandi tillögur að breytingum á samþykktum Lífeyrissjóðs verzlunarmanna (LV/sjóðurinn) voru samþykktar á stjórnarfund 26. febrúar 2026, til framlagningar og afgreiðslu á ársfundi sjóðsins 23. mars 2026, sbr. gr. 6.6.2.5 og gr. 24 í samþykktum sjóðsins.

Breytingarnar lúta einkum að þróun lífeyrisafurða sameignardeildar sjóðsins, textabreytingum sem ætlað er að auka skýrleika samþykktanna og uppfærslu á réttindatöflum og tengdum textabreytingum í viðauka A við samþykktirnar.

2 Breytingatillögur

Hér er gerð grein fyrir einstökum breytingatillögum ásamt skýringum með hverri og einni þeirra.

Undirstrikaður texti er tillaga að nýjum texta og yfirstrikun á texta er tillaga um að fella texta brott.

2.1 Gr. 11.17 Fjárhæðir í grein uppfærðar

Tillaga: Fjárhæðir í grein uppfærðar miðað við vísitölu neysluverðs í janúar 2026

Gr. 11.17 breytist með eftirfarandi hætti:

„Við framreikning réttinda, að uppfylltum skilyrðum þar að lútandi skv. gr. 13.5., skal við útreikning maka- eða örorkulífeyris framreikna með meðaltali árlegra iðgjaldagreiðslna þriggja almanaksára fyrir orkutap eða andlát. Nemi meðaliðgjaldið hærri fjárhæð en **2.289.392** kr. skal framreikna með meðaliðgjaldinu í allt að 10 ár, en síðan til 65 ára aldurs með **2.289.392** kr. iðgjöldum á ári að viðbættum helmingi þess meðaliðgjalds sem umfram er. Fjárhæðirnar breytast í byrjun hvers árs í samræmi við breytingu á vísitölu neysluverðs til verðtryggingar miðað við **658,2 stig í janúar 2026**.

Skýring: Rétt þykir að uppfæra tölur miðað við nýjustu vísitölu samþykktarbreytinga eftir ábendingu tryggingastærðfræðings, en ekki er um að ræða breytingu á raunverulegri fjárhæð.

2.1 Gr. 11.18 – Fella á brott grein sem varðar undanþágu vegna útreiknings á iðgjaldagreiðslutíma

Tillaga: Lagt er til að grein 11.18 falli brott úr samþykktum og að númer gr. 11.19 verði 11.18.

Grein 11.18 er svohljóðandi:

„Nú falla niður launagreiðslur til sjóðfélaga vegna veikinda eða atvinnuleysis og ávinnur hann sér þá ekki réttindi meðan svo stendur. Tímabil, er iðgjaldagreiðslur hafa sannanlega fallið niður af þessum ástæðum, reiknast ekki með, þegar úrskurða skal hvort skilyrði um iðgjaldagreiðslutíma eru uppfyllt.“

Skýringar: Greininni hefur ekki verið beitt um árábil þar sem það er nokkuð óljóst í hvaða tilfellum á hún eigi við. Orkutap er alltaf miðað við upphaf veikinda og ef atvinnuleysi er fyrir



orkutap þá er greitt í lífeyrissjóð af atvinnuleysisbótum og heimilt að skoða 8 ár fyrir orkutap samanber ákvæði 13.6 í samþykktum þessum.

Mat tryggingastærðfræðings á áhrifum breytinganna: Breytingin hefur engin áhrif á tryggingafræðilega stöðu sjóðsins.

2.2 Gr. 13.5 a.1 Fjárhæðir framreiknings uppfærðar

Tillaga: Fjárhæðir í grein uppfærðar miðað við vísitölu neysluverðs í janúar 2026

Gr. 13.5 breytist með eftirfarandi hætti:

a.1. hefur greitt iðgjöld til sjóðsins a.m.k. þrjú af undanfarandi fjórum almanaksárum og a.m.k. 228.939 kr. hvert þessara þriggja ára. Fjárhæðin breytist í byrjun hvers árs í samræmi við breytingu á vísitölu neysluverðs til verðtryggingar miðað við 658,2 stig í janúar 2026.

Skýring: Rétt þykir að uppfæra tölur miðað við nýjustu vísitölu samþykktarbreytinga eftir ábendingu tryggingastærðfræðings, en ekki er um að ræða breytingu á raunverulegri fjárhæð.

2.3 Gr. 13.6 - Þriggja ára meðaltal framreiknings, heimild til lengra tímabils

Tillaga: Grein 13.6 breytist með eftirfarandi hætti:

„Reynist þriggja ára meðaltal sjóðfélagsins samkvæmt gr. 13.5 óhagstætt vegna sjúkdóma, eða atvinnuleysis, náms eða barneigna er heimilt að nota meðaltal átta almanaksára fyrir orkutapið og sleppa því almanaksári sem lakast er sem og því almanaksári sem hagstæðast er. Hafi sjóðfélagi greitt iðgjöld í skemmri tíma en átta ár fyrir orkutapið skal reikna út frá viðkomandi árafjölda.“

Skýringar: Rétt þykir að bæta við tilvísun til náms og barneigna sem ástæðu þess að mega skoða átta ár. Breytingin er til þess fallin að bæta rétt sjóðfélaga og gera sjóðnum betur kleift að mæta sértökum aðstæðum þeirra.

Mat tryggingastærðfræðings á áhrifum breytinganna: Greininni er sjaldan beitt og áhrif af breytingunni eru talin hverfandi lítil.

2.4 Gr. 13.7 Fjárhæðir í grein uppfærðar

Tillaga: Grein 13.7 breytist með eftirfarandi hætti:

Nú hafa iðgjaldagreiðslur sjóðfélaga til lífeyrissjóða verið svo stopular að þær hafa fallið niður eða verið innan við 228.939 kr. á ári fleiri en eitt almanaksár eftir lok þess árs er sjóðfélagi náði 25 ára aldri, skal þá framreikningstími stytur í hlutfallinu milli fjölda almanaksára sem árleg iðgjöld hafa verið undir 228.939 kr. og fjölda almanaksára frá 25 ára aldri fram til orkutaps. Fjárhæðin breytist í byrjun hvers árs í samræmi við breytingu á vísitölu neysluverðs til verðtryggingar miðað við 658,2 stig í janúar 2026.

Skýring: Rétt þykir að uppfæra tölur miðað við nýjustu vísitölu samþykktarbreytinga eftir ábendingu tryggingastærðfræðings, en ekki er um að ræða breytingu á raunverulegri fjárhæð.

2.5 Gr. 14.2 Lágmarksgreiðslutímabil

Tillaga varðandi gr. 14.2: Greinin breytist með eftirfarandi hætti:

„Óskertur makalífeyrir skv. gr. 14.7. er ætíð greiddur eftirlifandi maka í minnst ~~36~~ 48 mánuði ~~og að hálfu í 24 mánuði til viðbótar.~~“

Skýringar: Lagt er til að greiða fullan makalífeyri í 4 ár. Það hefur ekki mælst vel fyrir að vera með fullan lífeyri í 36 mánuði og hálfan í 24 mánuði. Til einföldunar er lagt til að þess í stað verði greiddur fullur makalífeyrir í 48 mánuði sem er sami lífeyrir en kemur betur út fyrir sjóðfélagann.

Mat tryggingastærðfræðings á áhrifum breytinganna: Þessi breyting hefur um það bil 0,4% áhrif til hækkunar á skuldbindingu vegna makalífeyris. Áhrifin á stöðu sjóðsins eru 0,01% til veikingar.

2.6 Gr. 14.5 – Réttindi maka sem fæddur er fyrir 1945, árétting á orðalagi

Tillaga: Grein 14.5 breytist með eftirfarandi hætti:

„Ef maki sjóðfélaga er fæddur fyrir 1945 á hann rétt á ævilöngum makalífeyri. Makalífeyrir reiknast samkvæmt gr. 14.7. en lækkar eftir 3 ár um 2% fyrir hvert ár, sem makinn er fæddur eftir 1. janúar 1925, 2% að auki fyrir hvert ár sem makinn er fæddur eftir 1. janúar 1930, 2% að auki fyrir hvert ár sem makinn er fæddur eftir 1. janúar 1935 og 2% að auki fyrir hvert ár sem makinn er fæddur eftir 1. janúar 1940.“

Skýringar: Til áréttingar á inntaki greinarinnar, í takt við gildandi framkvæmd, er lagt til að fram komi að lífeyrir sé ævilangur og lækki um tiltekna hlutfallstölu eftir 3 ár. Hér er því ekki um efnisbreytingu að ræða.

Mat tryggingastærðfræðings á áhrifum breytinganna: Þessi breyting hefur ekki áhrif á stöðu sjóðsins.

2.7 Gr. 14.8 – Niðurfelling makalífeyris við hjúskap eða staðfesta samvist

Tillaga: Grein 14.8 ásamt fyrirsögn breytist með eftirfarandi hætti:

„**Niðurfelling makalífeyris**

Réttur til makalífeyris fellur ekki niður, ef makinn gengur í hjónaband á ný eða stofnar til sambúðar sem jafna má til hjúskapar, eða stofnar til staðfestrar samvistar.“

Skýringar: Breyting þessi þykir vera í takt við breyttan tíðaranda. Lagt er til að réttur sjóðfélaga til makalífeyris vegna látins maka verði sjálfstæður réttur, óháð síðari hjúskapastöðu eða sambúðarstöðu. Þá má leiða að því líkur að makalífeyrir sé mikilvægur réttur fyrir eftirlifandi maka til að aðlaga hagi sína að breyttum aðstæðum eftir maka missi. Þar skipti ekki sköpum þó maki giftist eða stofni til staðfestrar samvistar.

Mat tryggingastærðfræðings á áhrifum breytinganna: Þessi breyting hefur smávægileg áhrif en kemur þó ekki fram í stöðu sjóðsins til veikingar. Gera má ráð fyrir því að hjá þeim sem eru

með ævilangan lífeyri (fæddir fyrir 1945) séu litlar líkur á giftingu eftir fráfall maka. Hjá þeim sem yngri eru hefur þetta aðeins tímabundin áhrif (fjögur ár ef breytingatillagan nær fram að ganga). Ekki hefur verið tekið tillit til endurgiftinga hjá ekkjum eða ekkjum í tryggingafræðilegri úttekt, þannig að breytingin mun ekki hafa áhrif á tryggingafræðilega stöðu.

2.7 Gr. 15.1 Fjárhæð barnalífeyris

Tillaga: Gr. 15.1. breytist með eftirfarandi hætti:

„Barnalífeyrir vegna fráfalls

Andist sjóðfélagi, sem greitt hefur iðgjöld í a.m.k. 24 mánuði á undanfarandi 36 mánuðum eða í 6 mánuði á undanförunum 12 mánuðum, notið elli- eða örorkulífeyris eða öðlast rétt til framreiknings skv. gr. 13.5., og eiga þá börn hans og kjörbörn, er hann lætur eftir sig, rétt á lífeyri úr sjóðnum til 20 ára aldurs samkv. gr. 15.3. Fullur barnalífeyrir vegna fráfalls er 56.905 kr., Fjárhæðin breytist mánaðarlega í samræmi við breytingu á vísitölu neysluverðs til verðtryggingar miðað við 658,2 stig í janúar 2026.

Skýringar: Fjárhæð barnalífeyris vegna fráfalls foreldris er til skýrleika færð úr grein 15.3 í grein 15.1. Lagt er til að fjárhæð barnalífeyris vegna fráfalls tvöfaldist, þar sem fjárhæðin hefur eingöngu hækkað við vísitölu verðlags. Gildandi fjárhæð þykir ekki há í þessu samhengi. Verðbættur barnalífeyrir skv. gildandi samþykktum er í desember 28.591 kr. og myndi hækka í 56.905 kr. nái breytingin fram að ganga. Fjárhæðir eru uppfærðar miðað við vísitölu neysluverðs í janúar 2026.

Mat tryggingastærðfræðings á áhrifum breytinganna: Um 25% af barnalífeyri í mati á framtíðarstöðu hefur verið vegna dauðsfalla. Með hækkandi örorkulíkum má reikna með því að talan lækki í nálægt 20%. Tvöföldun barnalífeyris vegna dauðsfalla hækkar þá barnalífeyri um líðlega 20%. Áhrifin á tryggingafræðilega stöðu eru lítil eða veiking upp á 0,04-0,05%.

Tillaga: Gr. 15.2. breytist með eftirfarandi hætti:

„Barnalífeyrir vegna örorku

Sé sjóðfélagi sem greitt hefur iðgjald til sjóðsins í 24 mánuði á síðustu 36 mánuðum eða uppfyllir skilyrði gr. 13.5.a. og gr. 13.5.b, úrskurðaður örorkulífeyrir úr sjóðnum vegna 100% örorku, á hann rétt á barnalífeyri fyrir börn sín og kjörbörn fædd eða ættleidd fyrir orkutapið, svo og börn fædd á næstu 12 mánuðum þar á eftir. Sé örorka samkvæmt 13. grein metin lægri en 100%, skal barnalífeyrir sjóðsins vera hlutfallslega lægri. Barnalífeyrir, sem greiddur er vegna örorku sjóðfélaga, fellur ekki niður þó að sjóðfélaginn nái ellilífeyrisaldri. Fullur barnalífeyrir vegna örorku er 28.453 kr. Fjárhæðin breytist mánaðarlega í samræmi við breytingu á vísitölu neysluverðs til verðtryggingar miðað við 658,2 stig í janúar 2026.

Skýringar: Fjárhæð barnalífeyris vegna örorku er til skýrleika færð úr grein 15.3 í grein 15.2. Jafnfram er fjárhæðin leiðrétt úr 22.117 kr. í 22.176 kr. Það byggir á því að árið 2006 voru gerðar samþykktabreytingar sem lutu að því að færa viðmið fyrir grundvallarlaunum yfir í

vísitölu neysluverðs. Við þá breytingu kom smá skekkja varðandi fjárhæð barnalífeyris. Breytingin felur í sér leiðréttingu á þeirri óverulegu skekkju. Fjárhæðin er uppfærð miðað við vísitölu neysluverðs í janúar 2026

Mat tryggingastærðfræðings á áhrifum breytinganna: Áhrifin af þessari breytingu eru nær engin.

Tillaga: Lagt er til að grein 15.3 ásamt fyrirsögn falli brott.

Greinin er nú svohljóðandi: „Fullur barnalífeyrir er 22.117 kr. með hverju barni fyrir hvern almanaksmánuð. Fjárhæðin breytist mánaðarlega í samræmi við breytingu á vísitölu neysluverðs til verðtryggingar miðað við 513,0 stig í janúar 2022. ”

Skýringar: Greinin er felld niður það sem hún er óþörf þar sem fjárhæðir í henni hafa verið færðar í greinar 15.1 og 15.2.

Mat tryggingastærðfræðings á áhrifum breytinganna: Áhrifin af þessari breytingu á 15.3 eru engin á tryggingafræðilega stöðu.

2.8 Gr. 16.4 – Formskilyrði varðandi umsókn um örorku- og makalífeyri

Tillaga: Grein 16.4, 1. málsgrein, breytist með eftirfarandi hætti:

„Örorku- og makalífeyri skal ekki greiða lengur aftur í tímann en tvö ár frá því að umsókn barst sjóðnum. Umsókn telst ekki móttækin fyrr en öll tilskilin fylgigögn hafa borist sjóðnum. Greiðslur samkvæmt þessu ákvæði skulu vera á verðlagi hvers tíma. Vextir greiðast ekki á lífeyrisgreiðslur.“

Skýringar: Reynslan sýnir að sjóðfélagar skila gjarnan eingöngu umsókn um örorku- eða makalífeyri en ekki öðrum umbeðnum gögnum. Nýjum texta er ætlað að styðja við skýra framkvæmd um gildistíma umsókna. Breytingin á sér samsvörun í samþykktum annarra lífeyrissjóða.

Mat tryggingastærðfræðings á áhrifum breytinganna: Áhrifin af þessari breytingu á 16.4 eru engin á tryggingafræðilega stöðu.

2.9 Gr. 16.7 Eingreiðslufjárhæð ellilífeyris

Tillaga: Fjárhæðir í grein uppfærðar miðað við vísitölu neysluverðs í janúar 2026:

Nú nær lífeyrisgreiðsla ekki fjárhæð, er svarar til a.m.k. **7.154** kr. á mánuði og er þá heimilt að inna greiðsluna af hendi í einu lagi. Fjárhæðin breytist mánaðarlega í samræmi við breytingu á vísitölu neysluverðs til verðtryggingar miðað við **658,2 stig í janúar 2026.**

Skýring: Rétt þykir að uppfæra tölur miðað við nýjustu vísitölu samþykktarbreytinga eftir ábendingu tryggingastærðfræðings, en ekki er um að ræða breytingu á raunverulegri fjárhæð.



2.10 Gr. 20.4.2 – Útgreiðsla séreignar

Tillaga: Breyta ártali í 62:

„eða á þeim tíma sem vantar uppá 62 ára aldur.

Skýringar: Hér er um leiðréttingu að ræða m.t.t. 1. mgr. 14-a í lögum nr. 129/1997 um skyldutryggingu lífeyrisréttinda og starfsemi lífeyrissjóða. Fyrir mistöku var vísað til sama viðmiðs og gildir fyrir almenna séreign.

Mat tryggingastærðfræðings á áhrifum breytinganna: Breytingin snýr að útgreiðslu séreignar og hefur engin áhrif á tryggingafræðilega stöðu sjóðsins.

2.11 Gr. 20.4.1, 20.4.2 og 19.3.2

Tillaga: Greinarnar breytast með eftirfarandi hætti:

„Óski rétthafi þess er heimilt að víkja frá fyrrgreindum útgreiðslutíma ef innistæðan er undir 1.896.830. Fjárhæðin breytist mánaðarlega í samræmi við breytingu á vísitölu neysluverðs til verðtryggingar miðaða við 658,2 stig í janúar 2026.

Skýringar: Hér er lagt til að fjárhæð vegna eingreiðsluviðmiða breytist mánaðarlega í stað árlega. Sjóðfélagar eru í auknum mæli byrjaðir að taka út tilgreinda séreign við 62 ára aldur. Þessi breyting eykur að nokkru marki svigrúm þeirra til þess að nýta sér þá heimild. Fjárhæðir voru einnig uppfærðar miðað við vísitölu neysluverðs í janúar 2026.

Mat tryggingastærðfræðings á áhrifum breytinganna: Breytingin snýr að útgreiðslu séreignar og hefur engin áhrif á tryggingafræðilega stöðu sjóðsins.

2.12 Viðauki A – Réttindatöflur, hluti af samþykktum

Að tillögu tryggingastærðfræðings sjóðsins eru lagðar til breytingar á viðauka A við samþykktir sjóðsins: „Réttindatöflur, hluti af samþykktum“.

Tillögur:

i) Texti fyrir ofanréttindatöfluna orðist svo:

„VIÐAUKI A – Réttindatöflur, hluti af samþykktum

Réttindatöflur I og II, samanber gr. 11.1, gilda frá og með 1. janúar 2027. Töflurnar koma í stað áður gildandi réttindataflna nr. I til IV sem tóku gildi 1. janúar 2025.

Tafla I: Árleg lífeyrisréttindi frá 67 ára aldri fyrir hvert 10.000 króna iðgjald sem sjóðfélagi greiðir á hverju aldursári.“

ii) Texti fyrir neðanréttindatöfluna orðist svo:

„Réttindi í jafnri ávinnslu eru meðaltal réttinda 25 til og með 64 ára eða 1.174 krónur á ári fyrir hvert 10.000 króna iðgjald.

Forsendur:

- Vextir 3,5% reiknaðir einu sinni á ári (p.a.).
- Dánar- og eftirlifendatöflur Félags íslenskra tryggingastærðfræðinga (FÍT) frá árinu 2019 með sérhæfðu frádragi frá staðlaðri dánartíðni sem byggir á reynslu sjóðfélaga LV árin 2018-2022. Gert er ráð fyrir lækkandi dánartíðni sjóðfélaga til framtíðar skv. spá FÍT frá árinu 2021. Miðað er við aldurssamsetningu sjóðfélaga í árslok 2025.
- Örorkulíkur sem byggja á reynslu sjóðfélaga árin 2017-2023.

Kynjahlutfall: Karlar 52%. Konur 48%.“



Í stað gildandi réttindatöflutöflu kemur ný réttindatafla:

Gildandi réttindatafla:

Aldur	Réttindi	Aldur	Réttindi	Aldur	Réttindi
16	2.903	34	1.524	52	908
17	2.798	35	1.474	53	887
18	2.697	36	1.427	54	865
19	2.600	37	1.381	55	846
20	2.506	38	1.338	56	827
21	2.416	39	1.296	57	808
22	2.329	40	1.257	58	790
23	2.245	41	1.220	59	772
24	2.166	42	1.184	60	755
25	2.088	43	1.149	61	737
26	2.014	44	1.117	62	720
27	1.943	45	1.087	63	704
28	1.875	46	1.057	64	687
29	1.810	47	1.030	65	669
30	1.748	48	1.003	66	652
31	1.687	49	977	67	630
32	1.631	50	953	68	609
33	1.576	51	930	69	588

]

Ný réttindatafla

Aldur	Réttindi	Aldur	Réttindi	Aldur	Réttindi
16	2.885	34	1.480	52	886
17	2.777	35	1.431	53	867
18	2.673	36	1.384	54	848
19	2.573	37	1.339	55	831
20	2.477	38	1.296	56	814
21	2.385	39	1.256	57	797
22	2.296	40	1.217	58	781
23	2.210	41	1.181	59	765
24	2.128	42	1.146	60	750
25	2.050	43	1.114	61	735
26	1.975	44	1.083	62	720
27	1.903	45	1.053	63	706




28	1.834	46	1.026	64	691
29	1.768	47	999	65	676
30	1.705	48	974	66	661
31	1.645	49	951	67	638
32	1.587	50	928	68	616
33	1.533	51	907	69	595

Skýringar:

Sérhæfð örorkutíðni, sem lögð er til grundvallar við mat á skuldbindingum sjóðsins, var uppfærð í árslok 2025 og byggir á nýgengi sjóðfélaga árin 2017 - 2023. Við breytinguna hækka framtíðarörorkuskuldbindingar sjóðsins og framtíðarstaða sjóðsins veikist. Útreikningur á nýrri réttindatöflu byggir á nýrri sérhæfði örorkutíðni sjóðfélaga og kemur aldursháðri réttindaávinnslu sjóðsins aftur í jafnvægi, þar sem verðmæti réttinda er jafn verðmæti iðgjalda.

Mat tryggingastærðfræðings á áhrifum breytinganna:

Framtíðarstaða sjóðsins styrkist um 1,7 prósentustig og verðmæti réttinda í aldursháðri réttindaávinnslu verður jafnt verðmæti iðgjalda.

Munur á gildandi og nýrri réttindatöflu í mynd og tölum:

Aldur	Ný tafla	Gildandi tafla	Mis-munur	Aldur	Ný tafla	Gildandi tafla	Mis-munur
16	2.885	2.903	-18	43	1.114	1.149	-35
17	2.777	2.798	-21	44	1.083	1.117	-34
18	2.673	2.697	-24	45	1.053	1.087	-34



19	2.573	2.600	-27	46	1.026	1.057	-31
20	2.477	2.506	-29	47	999	1.030	-31
21	2.385	2.416	-31	48	974	1.003	-29
22	2.296	2.329	-33	49	951	977	-26
23	2.210	2.245	-35	50	928	953	-25
24	2.128	2.166	-38	51	907	930	-23
25	2.050	2.088	-38	52	886	908	-22
26	1.975	2.014	-39	53	867	887	-20
27	1.903	1.943	-40	54	848	865	-17
28	1.834	1.875	-41	55	831	846	-15
29	1.768	1.810	-42	56	814	827	-13
30	1.705	1.748	-43	57	797	808	-11
31	1.645	1.687	-42	58	781	790	-9
32	1.587	1.631	-44	59	765	772	-7
33	1.533	1.576	-43	60	750	755	-5
34	1.480	1.524	-44	61	735	737	-2
35	1.431	1.474	-43	62	720	720	0
36	1.384	1.427	-43	63	706	704	2
37	1.339	1.381	-42	64	691	687	4
38	1.296	1.338	-42	65	676	669	7
39	1.256	1.296	-40	66	661	652	9
40	1.217	1.257	-40	67	638	630	8
41	1.181	1.220	-39	68	616	609	7
42	1.146	1.184	-38	69	595	588	7



2.13 Gildistaka

Breytingar þessar taka gildi fyrsta virka dag næsta almanaksmánaðar eftir að þær hafa hlotið staðfestingu ráðherra að frátalinni breytingu á viðauka A sem tekur gildi 1. janúar 2027.

Samþykkt á fundi stjórnar
Lífeyrissjóðs verzlunarmanna
26. febrúar 2026

Jón Ólafur Halldórsson, formaður
Stefán Sveinbjörnsson, varaformaður
Bjarni Þór Sigurðsson
Guðmunda Ólafsdóttir
Guðrún Ragna Garðarsdóttir
Helga Ingólfssdóttir
Páll Ásgrímsson
Sigrún Helgadóttir